



Broj: 15-03-16-5-68-43/20

Datum: 1.12.2020. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav 2. tačka d) i člana 70. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U **o poništenju postupka nabavke**

Član 1.

Poništava se postupak javne nabavke **klima uređaja za potrebe Agencije LOT 1 – Klima uređaja za potrebe Centra za skladištenje, personalizaciju i transport dokumenata (vanjske i unutrašnje jedinice)**, objavljen na web portalu Agencije za javne nabavke Bosne i Hercegovine, Obavještenje o nabavci broj 1110-1-1-65-3-81/20 od 14.10.2020. godine, a koji je proveden otvorenim postupkom.

Član 2.

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Po izvršenim aktivnostima, Komisija za provođenje postupka javne nabavke (u daljem tekstu: Komisija) je konstatovala je da je rok za dostavljanje ponuda bio 11.11.2020. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine pristigle tri (3) ponude i to ponuđača „SLOBODA“ s.p. Banjaluka, ponuđača „ROYAL COMPANY“ d.o.o. Bijeljina i ponuđača „TERMOPIL“ d.o.o. Banjaluka.

Prema specifikaciji navedenoj u tenderskoj dokumentaciji, a nakon provedenog postupka analize ponuda i ocjene ponude Komisija je izradila Zapisnik o pregledu i ocjeni ponuda, broj 15-03-16-5-68-30/20 od 20.11.2020. godine za LOT 1, a u kojem su detaljno obrazloženi razlozi za poništenje postupka.

Zapisnički je utvrđeno da ponuda ponuđača „SLOBODA“ s.p. Banjaluka i ponuda ponuđača „ROYAL COMPANY“ d.o.o. Bijeljina nisu kvalifikovane jer ponuđena oprema ne zadovoljava tehničke karakteristike tražene Tenderskom dokumentacijom za LOT 1 objavljenom uz Obavještenje o nabavci.



Naime, kako je tačkom 6.5.1. b) Tenderske dokumentacije zahtijevano od ponuđača da dostave detaljnu tehničku specifikaciju ili dokument proizvođača opreme u cilju utvrđivanja da ponuđena oprema zadovoljava tehničke karakteristike u skladu sa zahtjevom iz tačke 6.5. Tenderske dokumentacije Komisija je konstatovala da:

- ponuđač „Sloboda“ s.p. Banjaluka nije ponudio uređaj koji je u skladu sa Tehničkom specifikacijom Tenderske dokumentacije za vanjsku jedinicu klima uređaja prvog sistema (klimatizacija server sale i UPS sale). U Tehničkoj specifikaciji, za vanjsku jedinicu prvog sistema, je traženo da klima uređaj ima područje rada u režimu grijanja od -25 do +25 °C i u režimu hlađenja od -15 do +46 °C, dok je ponuđač „Sloboda“ s.p. Banjaluka ponudio uređaj sa područjem rada u režimu grijanja od -20 do +24 °C i u režimu hlađenja od -5 do +52 °C, a što nije u skladu sa Tehničkom specifikacijom, tj. ponuđena vanjska jedinica klima uređaja nema tražene karakteristike;
- ponuđač „Royal Company“ d.o.o. Bijeljina je ponudio uređaj koji nije u skladu sa Tehničkom specifikacijom za vanjsku jedinicu klima uređaja prvog sistema (klimatizacija server sale i UPS sale). U Tehničkoj specifikaciji, za vanjsku jedinicu prvog sistema, je traženo da klima uređaj ima područje rada u režimu grijanja od -25 do +25 °C i u režimu hlađenja od -15 do +46 °C, dok je ponuđač „Royal Company“ d.o.o. Bijeljina ponudio uređaj sa područjem rada u režimu grijanja od -20 do +24 °C i u režimu hlađenja od -5 do +48 °C, a što nije u skladu sa Tehničkom specifikacijom, tj. ponuđena vanjska jedinica klima uređaja nema tražene karakteristike.

Zapisnički je, dalje, utvrđeno da uz ponudu ponuđača „TERMOPILO“ d.o.o. Banjaluka nisu dostavljeni dokazi kako je traženo tačkom 6.4.1. alineja c) Tenderske dokumentacije u vezi ekonomske i finansijske sposobnosti. Ponuđač „TERMOPILO“ d.o.o. Banjaluka uz svoju ponudu nije dostavio potpun dokaz o pozitivnom poslovnom bilansu za posljednje tri (3) finansijske godine, odnosno nije dostavio ovaj dokaz za 2017. godinu, zbog čega je ponuda i ovog ponuđača ocijenjena nekvalifikovanom.

Imajući u vidu gore navedeno, a u skladu sa članom 69. stav 2. tačka d) Zakona o javnim nabavkama, Komisija je predložila donošenje odluke o poništenju postupka nabavke klima uređaja za potrebe Agencije LOT 1 – Klima uređaji za potrebe Centra za skladištenje, personalizaciju i transport dokumenata (vanjske i unutrašnje jedinice), te je na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od deset (10) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X

DIREKTOR
Dr. sc. Arif Nanić

дигитално потписано / digitalno potpisano / digitally signed